

漑

堂

詩

集

澹堂續集卷之四

焦獲孫枝蔚豹人著

辛亥五言古詩

觀新人車

桃夭忽已屆良辰安可虛幾處兒與女見桃增踟躕行  
路何喧喧云避新人車啼聲亦不聞但聞簫鼓俱焉知  
二姓誰母乃是誰富貴婚姻蚤樂哉爲舅姑壻下谷  
歡樹堂中百子圖今夕蛩蛩也明年鳳將雛向平最安  
貧于此定不如所思在五嶽引領恒長吁

吳野人曰氣壯後  
開闢更不可文

余生生示所作悲哉行長篇感賦三首題其後

羣盜昔縱橫全蜀更可哀白骨高于山宮闕蕩爲灰勳

臣有令裔

肅敬公勳著西

脫身走蒿萊六喪猶未舉夜

坐憂思催桑海成轉瞬決計早歸來兇賊汝何心禍及

地下骸

人生詩自敘曾祖妣丘其一品夫人費祿也

質衣營窀穸

倉卒願易乖報仇計未遂持刀心徘徊祖爲王與謝孫

爲慙與回但不辱先人亦可免悲摧

旣得定襄郡便上雁門塚歸逢父老驚詔荷朝廷寵書

生有遭過此事難相踵豈無避世人松楸勤培植龐公

渡沔水蓋不因耕鋤時節屈寒食掃墓情所重入門見

德操歎然忘揖拱高風我所仰歸鄉苦不勇余生更可

憐徒然淚如涌

七哀不足哀四愁不足愁聽汝歌悲哉使我淚長流男  
兒遭亂世誰能免遠遊家非鄭大夫誰能免墓偷借問  
嵩邨間陵寢今存不蘭亭樹冬青義士實難求忠孝無  
殊致請以勸千秋

吳野人曰更勝前二作

端陽前一日嚴顯亭都諫招飲江都寓宅

同集者

王培大舉都魏沐叔泰州鄧孝威錢塘章洪上孫嘉客吳江潘潛夫計甫草董方南祿縣州推備休寧汪舟次枯岸上人雲南來雲卿

門戶已懸艾風俗共浴蘭得預文字飲何必兒女歡嚴  
公在廊廟望同星斗看見弟四方人相見豈不難愛客  
逢北海論文比建安賤子早醅酌翻噴酒杯寬流光老  
易惜鬢髮今已殘焉知千秋事且免獨醒嘆

燕城非復昔竹西但聞歌朝中  
有諫議江上息兵戈有  
勸須有酬愛德心匪他  
止人笑謝客哀樂何其多  
樞發紅似火酒傾綠如波  
此身非歐回此地異汨羅  
相逢不痛飲當如令節何

爲李若金題礪園種竹圖

鱗亦不可攀髯亦不可攀  
將身伴泉石所得但清閒  
愛此化龍竹節堅氣不虧  
有孫號龍孫無垠類湘斑  
他日庭戶側風雲成往還  
竊恐感壯懷容易凋朱顏  
吁嗟天下士長貧肉食艱  
請師豈老可置汝東坡間

壽宋份臣時將應聘北上

十丈華山迤九節廬山  
前愛其馨香異將以遺彼姝  
弓

旌邑在門良馬復安車笑謝采藥翁身當人京都不見  
陶貞白慨然念頭顱富貴與神仙相較定何如

吳野人曰風義  
婉厚不懷古人

### 述憂

家貧防老年田旱逢秋日運數苟難逃但冀免其一皓  
首尚依人十請何時畢山城少豐歲此行計最失客雖  
非農夫飽食農家物多憂夜不寐汝輩如同室

喜雨呈趙玉圃明府

時趙步詩十  
餘日而旱

甘霖潤四野歡聲騰百室禾如嬰得乳租稅豈難畢故  
人久勞瘁賓客方蕭瑟來朝開酒禁早覺憂愁失區區  
曹法師賣雨誇奇術一誠可回天晉道本平實私喜竊

不免鬢間黑絲出河流斷復通歸期已可必

爲郝羽吉題小像

有序

戴陵渭爲郝羽吉畫小像置身千仞岡上蓋取太冲句也方爾止吳賓賢王幼華各題詩其上羽吉將之蕪陰時畱此圖索予題諱名所獨予每臨左詠輒增躊躇因而閣筆三年餘矣辛亥秋始與郝重相聚江都責及宿適旣不可卷還前畫不得已因其歸來却更爲遠望當歸圖賦成與之

郝生三年前告我將遠遊高堂闕甘旨重煩付有求臨行手一軸畫者顧虎頭久不對君面時復懸此圖君旣不速歸我又被飢驅顏色惟夢寐見畫亦無繇何意重

連袂同歸在今秋索我圖中詩貴我懶難堪懶性加良  
友豈不成大尤雖老敢蹈此欲題重跡謝古人文字閒  
往往避觸喉辭郎不登岳我師呂與劉呂希純以文召  
劉復父名岳終請師意自佳比君左思倚知君無如我  
陟吧定懷憂今日堂上人盼歸免凝眸却看畫圖上指  
點嗟未休長如狄梁公望雲登高丘題罷還君像獨坐  
思悠悠吳野人曰大文  
看其用筆閒處

歸來

仕進非所樂困乏竊自傷適逢無寒暑歸來仍空囊處  
上不必賢虛名滿四方依倚諸有位不如爲農商我今  
何異彼奔走日皇皇在世復幾時髮禿面容黃因懷魏



雲天生遭宋運昌居不煩及人遊不出其鄉高節誠堪  
仰家故饒衣糧陶然心無累年齒宜永長敢云命不猶  
但愧憂難忘

宵聞隣舍啼晝聞街巷哭我亦悼次女幼損愁雙目水  
旱兼癘疫此邦禍太酷修德庶可恃敢不勸骨肉醫無  
哲與愚來往車相續簡文論雖佳爾輩意自足治生吾  
不如道旁起大屋遺兒將往學人費恐難贖憂貧定無  
益且可勤誦讀

目病示諸兒

藝當絲已立名乃自人成幼壯日無多衰耗倏堪矜福  
相况難得耳聰目更明我年過不惑百邪早相乘左目

如杜顓臃脂融未疑有日今復病掩卷每傷情讀書置  
上直誰敢誤伺更上庶身最賤幸不爲白丁常恐從茲  
往遂同左丘盲勞讀須倩兒事貴豫自營勸兒勤記覽  
兒心能不驚自愛兼愛親兒忍負雙睛

留別季希韓暨令姪端木

不入延令郭蠟梅四度黃久別既可念况我日老蒼白  
從被飢驅年年在遠方兄弟豈不多君家最難忘苗裔  
出三桓望同魯諸臧才若大宛馬何爲尚悲鳴矯矯賢  
侍御謂於華先生希韓從兄雖已顯廟廊取人用科目誰知子弟  
良所以杜牧之發憤因三郎上書高大夫世族論之詳  
我欲告執政又念身久藏不聞山中樵代人擇棟梁爲

君叔及姪旁觀但不平冬援樹猶綠齋淨花偏香對此  
好風景且共寬愁腸何以悅我鼻水沉勝都梁何以潤  
我喉新茗似頭綱知我久止酒老至學柴桑意氣盛一  
門我豈有文章偶然論今古討深復攻強初或色怒絕  
嬉笑旋如常姓乃晒其叔不疑未免狂此樂那易得暫  
默神已傷明日須辭去妻子待候糧困乏實自取相愛  
增徬徨他時再聚首故人或飛揚願看蜃齒折勝舉竹  
林觴

輓凌壽吾

久爲異鄉人親舊苦天各每當送人歸懷抱輒作惡別  
卽掩衡門不忍上樓閣今日況送君蒿里忽先作但聞

輓歌哀祇見愁雲漠去者已無知存者長寂寞魏武英雄人不忘橋公謔雞酒亦何出腹痛肯相虐此但念平生戲笑成歡樂嗚呼君逝矣浩氣更誰託回首華堂上燭光猶如昨

舟中有懷郝羽吉四十初度賦寄

歲暮遠依人船頭雪片大所思隔異縣四十今朝過墮地貴是男鄉風重慶賀遙想華筵開親朋正盈坐古人強仕時多君能高臥車馬帶傾覆吾曹久看破南陔束哲詩文選杜甫課努力愛汝身與之成唱和何時歸相聚餘年共婆娑封書附鯉魚引領情無那

辛亥七言古詩

貞燕行爲趙母劉孺人賦

有序

涇陽舉人趙九成字伯韶妻劉氏吾邑中丞曰俊之女也年二十五伯韶死剪髮內櫪中日夜號慟不欲生以舅姑在堂遺孤濬九歲勉復進食守節三十餘年有燕巢于室失偶孤棲累年不易人謂貞節所感稱爲瑞燕事載陝西通志濬字元深來遊廣陵索予爲詩

燕初來雙雙鳴我文杏梁孝廉堆書過萬卷長恨唧泥汚縹緲燕再來一隻已遭鴛鳥傷伯鸞久矣傍要離嵇紹此時類嵇康燕不去歲歲單棲盧氏堂天翁有意表貞節微禽亦解學爲孀爲孀乃是中丞女昔適孝廉纔

十五上堂問舅姑入厨備修脯坐中覲戚誰不嘆貴家  
小年能如許夫或浣厠踰妻常理節俗偶隨到十年家  
事無不舉只言並蒂好豈料斷腸苦鄭女聞鷄鳴買生  
遭鵬侮此時同心人不難從地下白頭誓黃口相視涕  
如雨煎髮納棺中作事驚隣姥食蓼豈知辛隙駒去難  
數舊巢孤燕爾何爲情深亦恥歸他所君不見董家雞  
當日公然哺乳狗乃知生祥復下瑞不過節孝所自取

吳野人曰古韻悲涼如筇  
策杖奏聞者淚下不禁

### 登赤城山

遙望山頭有萬家石苔看作魚鱗瓦妄生嗟嘆費徘徊  
結茅願與稱隣社樵人笑客目光短非村非郭居者寡

如斯形狀真奇特乃知名下無虛假下巖地勢稍寬平  
無數松竹遶蘭若佛坐石龕虎久去鼠墮松梢僧不打  
却尋鳥路更探奇及到上巖見四野山下曾無種韭人  
井邊還憶洗腸者久旱時逢七月初坐觀霞起淚如瀉  
不信茅君司玉京

玉京洞如茅真人像

泉竭石焦龍不下

徐幼長六十索予作歌

徐家堂上客紛紛如鄭驛久看意氣豪焉知歲月積我  
初識面時美人常在席月夜復花朝一斗還一石中間  
契濶屢經年近日相逢亦偶然酒味誰家如白墮酒徒  
何人繼七賢此事久難到我耳此情長想拍君肩未必  
洪崖安期輩聲名定勝飲中仙君今忽已稱耆艾我亦

年終如命外試聽重奏陸機歌清酒漿炙奈樂何但使  
兒賢家更豐不須四牡入紫宮

米客行

飢人啼滿路米客笑入市食癡却怨稻船多齊趣價高  
來不止竹窗向午雨聲聞天意慙慙步禱勤市中若有  
龍昌裔愁汝驚看一朵雲徐鉉精神錄龍昌裔有米數  
千斛體健而米價稍昂昌裔  
乃爲文精神所更一月不雨  
祠龍過至路懸亭中饑有  
黑雲一朵自廟後出頃之雨  
大至昌裔震死於亭外

辛亥五言律詩

題馬圖求孝廉聽山堂圖

訪舊東湖曲身會上釣船不知行盡裏忽已到門前  
短水纔退去年大水樹多春最先問君初得意荒徑只依然



春韭

家涵中席上分賦二首

淮南連夜雨，韭味最鮮新。  
入市看童子，登盤爲故人。  
慚無杜陵句，久類庾郎貧。  
老圃終難學，飄零春復春。

蛤蜊

蛤蜊西北少，飽食減鄉心。  
嫩韭盤同美，香醪盞易深。  
泥沙知遠害，饕餮敢忘箴。  
多謝主人意，防予渴病侵。

止渴

蛤蜊

凌蔚侯書齋紅梅已謝，作詩惜之，索予次韻。

頰頰人難得，返魂香最稀。  
從今看綠葉，只自學青衣。  
詩恐長吟倦，實多不醉歸。  
徐熙新樣好，買絹更開扉。

重遊吳門，過定光寺，喜與德葦上人相見，留寓精

舍兼擾香積賦謝

十八年前客重來扣寺門必芻相同姓能識自傷魂行  
路無冬夏依人卽弟昆猶應勝上播慙愧爲饗殮

舟中暑夜

雨聲斜打岸暑氣直投船南去愁過夏哀來怕問年蚊  
雷喧竟夜蛙鼓急長川不爲謀衣食高齋正穩眠

贈錢塘縣丞季孚公

錢塘稱大邑輔佐得名家頗勝長江簿卽看潘岳花音  
書寄驄馬令弟渝幕南起爲侍御樂府付琵琶季公充心詞曲客是高陽

輦官貧酒肯賒

爲官作麗地何用論高卑南渡多豪傑西湖比女兒山

前青雀舫城下竹枝詞熱客嘲難避荷香六月時

余以六月

生錢

地

病後同杜于皇鄧孝威程穆倩宴集陸咸一督學

寺獨分韻得聲字并和諸君之作

發筵逢老友把酒是餘生爛熳今朝興呻吟屢月聲腹

難虛俊味

杜詩病身虛俊味

句愧雜悲鳴

東坡詩我詩如病

醉

倒君休笑秋風滿化城

和咸一煙字

聞道起衰手八閩聲最傳掄才如相馬落紙欲生煙白髮爲賓客清樽薄管絃何妨晉人遠不識宋儒賢

和于皇芳字

肯厭羈棲久黃花到處黃微寒逢九月取樂貴他鄉縱  
酒身仍健吟詩夜苦長故應頭白盡猶自愛年芳年成

命顯爲十  
皇所賞

### 和孝威丹字

鄉園惟咫尺酒食且盤桓金盡身遲返書成衆借看孝威

請選初  
刻成

客逢賢主少老別故交難莫愛江南路楓林葉

葉丹

孝威云  
將渡江

### 和穆仙飛字

近冬天氣好入寺俗情違寒恐菊將盡暖從蠅亂飛高  
年貧更病妙書去難歸莫怪雲間裔終朝戀布衣穆仙  
鶴翁

高而懶於應人是日偶談及舊時所  
作都不知歸何人手矣坐共嘆息

死宅有真

卷之四

十

愁坐

愁坐火爐邊門關雨雪天故人一字絕凍雀數聲傳老  
只添詩草飢猶倚硯田鵬鴉裴已典將恐及青氍

施愚山曰  
愁成作話

辛亥五言絕句

次兒燕詠燕韻

有序

予名大兒曰燕字之曰懷豐於大雅云詒厥孫謀以  
燕翼子有取也燕自習舉業以來久廢吟咏忽成詠  
燕一絕雖川傳咸賦中語頗善託物以自見其意因  
喜而次其韻古人多有以物爲名者今而後燕之取  
義亦何必獨於文王之什乎

蘇洵名二子其義勝陶潛自笑孫謀拙何如物理兼

附兒燕詩

春來如鳳舉秋至學龍潛多少人戀汝行藏未易兼

施愚山曰此人  
大有本事在

讀陸放翁詩愛其慷慨悲歌足以起懦既復置之  
而嘆吾直心如放翁而直口不如命也因作此志  
悲

生向太平世老於離亂中濁翁新自號如殺直心翁

辛亥七言律詩

重至淮上訪家酒中

異縣每憐宗族少友朋兼作弟兄看相思到處同明月

訪舊今春忘苦寒詩法如何書久絕酒徒無恙髣初殘  
重來不怪旁人笑仍似淮陰把釣竿

家涵中宅與張虞山趙天醉連牀

相見吾宗慰寂寥滄鴈永盡及清宵不堪燈藥三更爛

却話萍踪萬里遙

虞山天所  
時方遠歸

髣髴色各因詩易苦研聲方

驗酒難消連牀此後知何處回首兼懷石板橋

虞山任  
石板橋

西

再次虞山韻

明月娟娟下竹房閒論往事淚痕長四方故傳蹟多草

隔歲蛟龍盡上牀

壁間水  
痕尚在壯

志莫教隨髮短歸心偏自

怪顏蒼忽聞禽噪知天曙客仍惟詩一囊

黃大宗招同范仲良張炎山馬國求趙天醉張孟  
思問百詩家姪獻于飲上回次天醉韻

登筵忽使旅愁無  
綠柳春風綠到蘆  
水鳥當皆容易狎  
漁舟入夜不曾孤  
同來勝友如金谷  
老去才名愧達夫  
何事招尋成汎愛  
久看樵牧可爲徒

坐逆風船同趙天醉作

水程迢遞日將晡  
風伯顛狂雨又俱  
去艫橫帶如郭索  
來帆猛可比荻菰  
幾回買米過村市  
半路添錢覓緯夫  
幸少炊煙薰病目  
且同詩友捋吟鬚

故人今日與同舟  
多事能無笑石尤  
但聽浪聲成悶坐  
頻詢開口爲奔流  
無錢我亦同黃帽  
作相誰兼是黑頭



遭遇平生多類此累君中路也滄留

詠逆風船詩後次日便遇順風

命遇有窮終有達帆懸風正亦難求忽逢高堞當前面  
無數低橋在後頭竟日篙工閒守婦此時行客勝封侯  
何須櫂上追風驃頓免思家杜甫愁

寒食次高菊圃韻

墓上哭聲聞野田花逢寒食笑依然人民愁煞初歸鵲  
帝子何堪久化鵬身有諸孫憑異日老思吾土倍從前  
幸無釀禁妨多飲便死惟應向酒泉

吳野人曰身有諸孫何樂  
比公他時見汝心更悲

錢塘章洪上相別十年矣忽過江都見訪坐良久

值予方窮甚清談而已一日有詩見贈因答之

怵尋故舊問蝸蟻不服江都吊仲舒南北酒人今有幾  
短長歌句近何如歸鄉未化遼東鶴作客仍求舍魚  
輪爾老依山山水地門生兒子懸簪與  
堂中十度燕喃喃鴻鯉雖多懶不堪昔日飛揚同李白  
近時枯槁學瞿曇共開笑口真難得欲和陽春却自慙  
我愛袁生勤玉趾君愁閨子只清談

酬家嘉客

乍見吾宗各問年深慙蒲柳望秋天酒徒只解耽三雅  
詩老誰能勝百篇方干有越中詩建  
孫百篇絕句側耳請問九州外論  
心愁在衆人前錢塘自有蘓門齋不數孤山處士賢

與十四弟實夫自京口買舟入吳越

綠水青山對白眉飄零那免客心悲  
三茅洞口何緣得二陸雲間未易追  
求食吾嘗憐倦鳥讀書爾合訪名師  
他年步月看雲處轉憶扁舟共汎時

客組經旬無肉次東坡韻示十四弟實夫

防海多年禁打魚錢囊一任久空虛  
園葵誰信陶真止晚食方知蠋有餘  
患疥怯厓非病劇禱龍祈雨值秋初  
蕭然何異東坡老多事惟難罷讀書

舟過姜堰訪黃天濤雪夜留同諸子飲秋隄館分得燈字

常從遠道憶高朋乍覺山陰興可乘  
臘盡偏宜開酒甕

宵寒幸免傍漁燈

是夜遇宿館中

老成近日無多在

學士有題

書札他時未易憑飄泊不歸成爛醉惟愁曉發遇堅冰

辛亥七言絕句

趙家獻于小像

國中把卷在  
手罷琴石彈

手內何書讀未終聞君詩句近偏工若非聞氣英靈集  
多是離騷與國風

久知不愧蘓門裔入畫今同栗里看客爲聽琴遠相訪  
君言得趣豈須彈

與張虞山趙天醉飲丘曙戒季貞家夜歸同坐野  
航

夜入東湖醉不愁回看城上月如鉤篙師笑問歸何晚

定是論文向二丘

釣臺前而暗傷心光景蹉跎白髮侵列土分茅名竟遂  
三人誰得似淮陰

舟社初開卽此湖

范祥生曾集四方名士事社于舟中  
因名舟社歛管絃間數里岸上觀音

如塔前此所未有也西中五日事風流入去月明孤誰知送酒舟仍在  
容受今惟老釣徒

附虞山詩

春雨初晴漲滿塘城頭新月水邊黃誰知林定鴉樓  
後獨照三人共一航

伊軋扁舟何處開女牆西畔水縈迴韓侯舊蹟無人  
問漁火分明下釣臺

行過雙橋到鬼溝青苔白骨萬年愁榜人尚說從前  
事翠袖瓊簫十五升

舟人言西申舟社事  
余與天醉爲之黯然

卽事贈家涵中

襖被登舟又復還主人情意重如山路歌相送聲雖好  
却笑汪倫亦等閒

已聞酒客傳投轄不道詩人善繫駒五日爲期過六日  
閨中怨望那能無

賦得春草留別淮上諸子

謝氏池塘已亂生王孫容易動歸情春原一道裙腰綠  
別路何堪踽踽行

又賦得春風

相隨春雨入窗紗  
一夜吹開桃李花  
前路早知寒氣盡  
石尤偏得故人誘

雨舟

雨打船窗點不稀  
春流如箭送人歸  
到家未必花齊放  
臘月裘爲三月衣

黃大宗納妾揚州爲賦催粧詩

月令清和萬綠濃  
芙蓉早發鏡中紅  
江郎一管生花筆  
試畫蛾眉定不同

日照高樓羽帳明  
輕黃額角細難成  
肯嫌鄭驛多賓客

出衆從來易得名

梁簡文帝詩若將片也衆定得可消名

艷質芳年並莫愁  
新粧却出古揚州  
雖然生長迷樓側

愛共郎君文選樓

唐昌觀只在東鄰怪底仙姿艷絕倫却笑張嚴兩詩客  
無緣一識洞中人

重宿定光寺弔惺初上人

檢藏終年只閉關昔曾分我屋三間東坡偶識雲師面  
尚自含悽過寶山

作主西方未可知塵緣垂老柰奔馳幽明報應懶相問  
安得重過王坦之

宿剡溪旅舍憶王梅溪題壁故事遂成一絕

有岸

王梅溪至剡溪旅舍自敘離家半月未嘗作詩觀曹  
夢良題壁有撩我思家第一篇之句因次其韻云客



舍那堪聞杜鵑夢魂驚斷竟無眠定知此境撩鄉思  
我亦曾非第二篇予自別江都以來頗不廢吟咏乃  
經此思家復與曹王無異遂效其意書一絕於壁上  
腐儒雙鬢白如銀旅舍無眠刻水濱不必篇成同第  
一思家應筭第三人

施鼎山曰野人  
真可解脫古人

病暑不得遊天台山

炎天無意踏崔嵬老衲期予明歲來客豈未聞劉阮事  
桃花開口上天台

將歸買天台藤杖藥物成二絕

垂老名山緣分盡此遊長夏病魔隨因慙未到萬年寺  
特買萬年藤數枝

兩月僧牀卧病身臨行帶笑入紅塵歸裝亦未蕭條甚  
白木黃精可贈人

示天台遊人

佛窟安身未有期紛紛著屐懶相隨如何舍却寒山子  
寒山有寒巖詩七首只和曹唐四首詩

縱筆二首

遠遊垂老轉多疑只似參禪喫棒時何處來還何處去  
茫無一語答宗師

無事終朝閒殺懶僧廊獨立聽殘鐘龍因天旱遭鞭斥

有職不勤誰汝容

時方晴雨有云宜殺虎骨大血于潭中者施慧山曰僧得好

雪中過姜堰訪黃仙裳

逼歲猶爲道路人，停舟半日訪情親。  
雪天只認山陰夜，忘却飄零是海濱。

雪意

城中處處酒旗飄，獨把殘書遣寂寥。  
兄是無錢買桴炭，愁看雪意挾風騎。  
樂天詩曰：暮寒慙桴炭，火陳無已。有求洋炭，亦不得往年。雖貧未若此之甚也。

壬子五言古詩

元宵後雪夜飲王有剛小輞川觀燈次壁間東坡詩韻

前夕怪笙歌聲鬧如蜩蟬，轉眼到今夕。  
雪氣滅燼煙車亦無朱憶馬，亦無白頭好事惟君家。  
意致遠相懸，招我

假卧人來對飲中僊點燈二月三事頗愛前賢東坡有日語  
日語况君所處境甘於蔗與泉郎伯方嬰錄不肯近  
嬋娟綵毫押席上逸興最翩翩笑看火樹裏輝輝綠  
然

貧士詩

有士臥高廬長吟招隱篇平生守高節到今成暮年已  
遇歲不熟復值水方堅無衣不得出無被不得眠亦有  
親與故其室皆倒懸人情惡異已薄惡自古然富爲富  
所慕貴爲貴所憐仲尼雖絕糧終不務執鞭吳野人曰  
陶公風味

贈汪使君甫斯

東坡詩  
分司

國家生財地亦恃東海隅大旱日如血海日更何如米

價既難平地又不種榆窰戶飢欲死紛紛泣道途人命豈不貴此輩况多愚借米向市門未免聲怒呼點者復不然爭奪在須臾賈客忍請兵謂患宜早除使君語賈客汝計姑徐徐盜賊非得已况可輕相誣汲黯誠難學發倉亦何須聊當捐薄俸暫活煮海夫商窰為一體兼請往勸渠窰願守牢盆牢盆即今煎鹽之器也見漢書食貨志宋徐度却掃編發明舊官問末及蔡初我詩無處陳好善徒區區

告飢

忍飢稱君子告人既不可無如情所切復同瘡與火子喻飢謂之瘡此陳謂之火夷齊惟一身雖死計亦受五男便可憂

女尚少於我嘗愛白公語近情無偏頗樂天訪陶公舊宅詩與齊各一首  
身窮祇未爲難先生舉家三十口能免溝壑墮三月揚  
州城餓眼看春朶出門費躊躇開門且且坐子與若相  
念有飯勤包裹

贈吳銘

南唐友蘭之子

致身雖多途可重惟經術近代名公卿多從庠序出芹  
藥何青青香可薦廟室相逢采芹人喜極淚轉溢疇昔  
與汝翁契合北膠漆回頭酒壚邊垂老知音失看汝似  
文度無人抱置膝墓門久毀涼漸有光輝日努力繼先  
志師友貴親暱

舟進黃河口

洪河失故道直走安東縣往時運漕處細流纔如線羣  
舟遭壅滯坐閱昏曉變今晨始進口我舟幸輕便奔湍  
復可憂勢若離弦箭進退須臾間篙師手洗顛性命操  
汝手男兒何太賤因思堤決時卹民誰救援哭聲人不  
聞蛟龍正爭戰客心多悲酸豈惟遊易倦施恩山曰人真大仁人  
一掃費千金折盡數州木捲去同落葉何怪財不足復  
聞下埽人輕生葬魚腹妻子在洛陽何曾望鄉哭姦民  
焉足悼良民禍同酷俄頃千人沒命不如雞驚河清是  
何年瓠子省修築懷柔到百神焉用沉美玉  
我不類飄蓬險危實自取凌生性至孝此言時凌蘇侯之舟北堂  
頽回首自從離襁來別離曾未有臨深涕暗垂不爲閭

中婦問君歸何時只在兩月後水程肯再經頭疑轉在  
手我老但憶兒干謁因餬口孝慈情亦同淹留恐太久  
賈客婦

紀舟中所聞

天上有雙星一年一渡河將身配賈客曾不如女羅女  
蘿雖微草長得附高柯獨宿二十載空房淚滂沱來攔  
分固宜還坐理鳴梭妾身亦非玉妾貌亦非花但念北  
堂人漆髮變成皤堂前古槐樹上有燕烏窠長成能返  
哺老烏鳴聲和姑也對之嘆悔昔勤撫摩健婦非丁男  
誰能應催科門戶力已殫甘旨計無他約妾同胞弟換  
妾舊時韉尋郎若得見敢辭道路賒山中逢猛虎江上  
聞鳴鼉晨修不可闕二物奈妾何行行抵漢口武昌山



嵯峨古來脂膏地風俗仍繁華聞郎迎妾來下驢且登  
車晒郎猜妾意同衾免蹉跎爲妾施幃帳額繡並蒂荷  
關中頗有恥豈同騰脂坡獨宿誠所恨願辨貞與邪明  
日江湖友紛紛來相過賀郎久作客重得書雙蛾謂妾  
當久留偕老同天涯餽遺復不少烹魚或宰騭郎亦日  
留賓美酒盈巨羅他鄉樂如此何怪棄其家辭郎數日  
內郎乃大驚嗟妾身亦非玉妾貌亦非花但念北堂人  
漆髮變成皤請出囊所蓄送姑歸山阿仍隨其弟去長  
裙拂塵沙明日江湖友紛紛來相過人誰無根本難辭  
責備苟君有此賢婦情性非偏頗骨肉苟棄絕何用黃  
金多買客問是言旋亦驅馬驟重會母子而長聽隣里

歌此兒情雖忍此婦名不磨

九日梁仲林侍郎宴集黑窰巖登高

蘇齒入都門厚顏見公侯舊蓬佳節紛然旅思稠欲  
舒望鄉眼何處尋高丘侍郎吾故人開樽禮數優平生  
耽麴蘖逸興放難收及其佐黃屋鯁直古人儔官事雖  
無窮妙手如解牛今日四坐中龍虎雜是鷗却思龍山  
會子載同悠悠誰能對茱萸預作明年愁大風捲黃沙  
吹帽露白頭欲歸復不忍堅坐成勸酬

題王金鉉明府琴趣軒

仕學非二途此優或彼乖伏獵紛謬誤豈免取笑咍我  
友昔未仕同輩讓其才稟書列左右耽若手中盃爲宰

忽三年雅尚曾不迷  
簡書亦云勞退食  
有好懷曰余師  
密子陶公亦匹儕  
悠然得琴趣  
入夜軒常開  
焚燭照攤  
書往往屈鳴雞  
問君何多嗜  
貴與琴相借  
誰言作吏後  
此事卽難諧  
靜坐桃李縣  
無異蓬蒿樓

琴趣豈不長  
琴理乃可思  
養性以禁情  
中和謂在茲  
百姓吾赤子  
未嘗輕鞭笞  
怒氣平已久  
衷心忘其慈  
平昔不好名  
反畏頌聲來  
趣深理則熟  
頌者焉得知  
政暇一無事  
取琴拂拭之  
客至還推去  
論說古人詩  
琴雖不事絃  
詩非任意爲  
聞此於俗吏  
永當奉良規

壬子七言古詩

恕老堂酌酒與榛下老人歌

狄希爲造千日酒莊生爲設五石樽陸機爲餉龍肉鮓  
復與張華同笑言尋常頗易作此想於世所需寧爲煩  
行徧四方寡所遇一入金陵卽易得金陵賢主人當代  
文章伯所坐恕老堂中惟堆書籍罷官仍是老書生照  
書仍是短燈檠當其會意如彭澤何可對飲無公榮憂  
樂懶從季主卜得失惟愛寒翁評昔年湯火憐雞命東坡  
編中詩魂飛他日梧桐待鳳鳴摠與樽前沒交涉海內  
湯火命如雞幾人同此情丈人曠達有如此賤子飄蓬何足齒悠悠  
過半百棲棲動千里雖慟嗣宗途頗倒中郎屣翟公亦  
羅雀顏公亦乞米從今若怨天真是吾過矣

謁金龍四大王廟

客子預愁天妃開舟人齊拜大王廟只言神與馮夷同  
何妨我當靈均弔大王本是宋布衣曆數堪嗟際式微  
天目山崩災忽報金龍山上淚長揮君相又傳歸海底  
布衣報國惟一死七尺無難葬白波千秋何意垂青史  
錢塘不數伍員潮茗水頓高三丈水鳳泗真人坐戰船  
英靈助戰呂梁邊怒浪能教流向北金甲驚看葬下天  
蠻子海牙膽初破會稽烈士志何堅其死召水之前語其徒曰吾志得達  
其在黃河中宵入夢奇如許自陳姓名曰謝緒兄弟行  
中身第四金龍曾見讀書地勅封大王報神功河上至  
今廟貌崇嗚呼興亡轉眼揔成空丈夫血食終古永無  
窮

中秋夜舟中對月

城中雖有月屋宇苦相礙蕭瑟泊舟處千里寒光內舟  
攜美醞况如泉凌家兄弟皆妙年聚盞先斟蓬鬢叟揮  
毫同對桂堂仙回頭若復思妻子天之眼睛應羞視但  
聞豪客滿綠林不許酒人有行李童僕司更類雁奴我  
亦不睡同寒魚方識汀洲景徒好不及茅簷意自舒

凌將侯彈禽歌時蔚侯方熟誦杜詩

蹉跎將暮年憂愁閉笑口壽觴豈不寬風伯何善吼豪  
士出蘭州取樂無不有自言杜老是吾師當時射飛亦  
好手引臂能令蘓預喜得名豈在葛疆後尚恨涉長川  
不比馳林數船頭絕叫使我驚一彈正中水禽首羽雖

潔淨智則疎非駕非鶴翁識否念此亦蒙造化力肉味  
不堪佐樽酒願君妙技勿輕施紛紛泉鏡正飛走大小  
黑白須早剖狄鼯何足快窮途因君兼怪瀝西叟

贈王又陶及令姪孫德符

五民稱遊子百年老異縣異縣何足悲鄉里衣冠久不  
見今冬策蹇來安陵汝翁顧我情縷縷交如管鮑既難  
忘名似紀羣况可羨聽汝論人物數言豁胸臆四海一  
李生每稱述李匹馬子德不置口吾慚而未識大雅久寂寥朋輩多  
姑息已聞之不苟固宜名早立更愛汝姪孫威儀醉不  
忒年方少壯經書熟杜陵孫老那及得吁嗟名曠可柰  
何不教天廐飽芻禾周穆漢武去已久忽然使我淚滂

范德升又問涉沱胡爲爾自笑未免愚君家頗易識盛事久堪圖八簫門第大萬石家風殊何况三槐樹陰濃色正腴但恨東西南北人無絲英俊長爲際若憐回首曲江畔蚤望寄書揚子津

施匪莪司城惠示集句全稿次東坡答孔毅父集古人詩見贈五首韻奉贈

古來取禍每因詩刺舌徒然戒其兒東坡詩帳使我驚心曾似鹿命如雞先生集句計誠得何殊江海衆流歸縱令危言非我罪能招古人立左墀

衣冠優孟誰能識擗劍常爲義山惜嘔心斷髮復可憐雕琢空令頭早白能觀千劍斯善劍此語曾聞楊執戟



因君更憶王荊公十八拍成驚魂魄

長裝不是一狐腋良馬無非千金骨或若友朋或先後

蔣之題

注韓昌黎南  
山詩先後猶姊妹也

終南羣峰並峭崿天然配合平哉

衡此時深契往哲情只似楞伽須再寫前生事待此生  
成

游戲詩篇等五木驅使諸家代歌哭夾袋中間無所遺  
府庫何憂用不足因茲慨想到春秋聘問不絕隣諸侯  
當日最稱知禮者賦詩相見事即休

百和爲齊手自焚百花爲蜜蜂養身比擬如斯恐未盡  
雲行水流心不紛從今却笑偷桃兒狡獪惟恃王母慈  
浮丘洪厓吾左右拍肩揖袖忘歸遲

壬子五言律詩

春寒

只期花早發不道雪仍飛  
春却殊冬煖年方似晉饑  
敗裘兼作被古屋太多扉  
難怪兒啼惡無錢糴救稀

楊東子携具過王仔園桐舫  
招同諸子夜坐待月

金谷成前代潘生見後身  
携將惠泉酒東子初自吳中歸來對  
廣陵春選地過桐舫吟詩待  
鏡輪幸無多酌我恐作醉眠人

清明前宴集魯紫漪園亭

携客出城來看人上塚  
回櫂中如北海園裏卽南陔

人板與常  
來迷園中  
嘉樹啼黃鳥  
閒身步綠苔  
水邊逢落日  
欲醉共徘徊

泊舟任城同凌蔚侯遊南池

南池眼中見懷古意躊躇飄泊翻無悔  
才名愧得如荷枯  
仍有葉水涸不生魚景物難長在  
啣盃未可虛

潛河日喧塞海運異當年池失幽清意  
門臨上下船高

吟成已往秋色尚依然憑吊情無限  
兼思主簿賢

運之法若如今日南池過近漕河喧呼滿耳知不足發  
子美詩興矣代異境殊惟文章長留於天地之間四作

是詩既以自  
勉兼勸同遊

東光訪王金鉉明府

風流近何似肯減折腰時  
驥足原無價牛刀得有司  
政

應聞 殿陛邑廂近京師  
昭日漳河畔擣樽且賦詩  
論文螢苑裏已是七年前  
自覺嵇康懶誰逢范叔憐  
鱗鴻疎不怪裘馬願應堅  
相見增慙愧棲棲老尚然  
昨走長安道羣公憫敝裘  
雖然蒙說項未可抵依劉  
亟訪飛鳧縣忘歸跨鶴州  
北方風雪大何以慰淹留  
故人難再見得見却神傷  
棠棣會同榜浮萍只異鄉  
絃歌盈老耳風土失愁腸  
兄弟如鴻雁還須共稻粱

贈安肅梁明府木天

禹貢兼堯命銅門並鐵城  
古來稱要地今日付書生  
花少河陽色琴無單父聲  
看君常得意治下有荆卿

冀州之域堯命和叔宅朔方保州遂城在縣北堯內即其地也宋景德元平甲辰以梁門爲安肅軍武遂爲廣

信軍謂之銅  
梁門拱蓬城

幾處郵符下終朝驛馬馳酒徒空自負傲吏敢相期古  
邑神京近雄才大吏知不須輕百里且可放雙肩

丹砂不可得憐爾在風塵懷古詩篇進憂時策畧新黑

山多盜賊黃洞少仙人

黃洞在藥關山

犬吠宵來急何曾劍

離身

廉吏爾能爲長食衆豈知貪杯同吏部謝客異常時門  
下多桃李奴中半虎貔焉能免愁慮俸薄只如斯

梁木天明府獨題拙堂

誰識宦情淡相看幽事多經營惟幾酒護惜到庭柯彭  
澤真貧劇陽城奈拙何非懷知不厭燕趙古山河

從政才難及安貧拙自無  
公聽常少至射圃見多能課  
僕調生馬邀賓看熟鷹難除  
湖海氣何太似陳登  
嗣宗疎禮法中散絕逢迎  
豈意神仙宰還同達者情日  
高猶倚枕月落每持觥簡要  
雖多暇清狂亦可驚

爲梁木天明府題須閣

只開樊須圃不栽潘岳花  
畝寬兼近井巷僻好歸衙月  
令公餘暇陽春縣裏餘炎天  
仍課僕獨樹可能遮  
吏散琴堂靜經旬一事無爲  
圃射圃剪韭入官廚夜  
雨苗初潤春風甲欲蘓對茲  
多樂意肉食笑君迂  
抱甕吾徒事君臂願結隣官  
如彭澤懶味勝庾郎貧入  
夏瓜圃靜迎秋豆架新不知  
風雨夜小摘爲何人

黃芽他邑少土豆亦馳名佳種爲官得幽懷學圃成轆  
轤樓外響筇杖樹邊行但慮雨風齋寧知冠蓋榮

古邑蕭條甚琴堂可讀書官今忙種菜客莫嘆無魚人  
徑泥沾屐循牆月照鋤此時觀景物吟興更何如

勸農身偶暇入圃意先欣政簡逍遙甚僅多灌漑勤盈  
筐猶帶露飽飯笑浮雲忠愛情何似官恩獻美芹

爲政鋤非種園居事可通解醒知味美待雪想年豐細  
玩莖兼葉頻防牧與蟲經營雖瑣屑亦足代天工

園丁向何處雪意正蕭然名馬嘶牆外慈烏立樹頭溝  
渠憑指點賓客動流連若見莖苗綠真垂野老涎

登安肅城遠眺

宋遼分界處燕趙易賊時戰守多名將河山似奕棋登  
高聊極目懷古欲攢眉盜賊今猶盛民生亦太危

無雪

月十一日東光縣舊作

歲暮依親舊防寒亦有裘吟詩須雪夜展畫想瓊樓可  
怪白霓懶祇增頽頽羞堂中琴爲罷市上米難求

欲雪

無復瘳颶吼仰天同一雲老農方苦旱來雀莫呼羣  
炭紅難滅香醪綠易醺主人能愛客集叢任紛紛

微雪

開門驚見雪覆瓦只如霜虛得上農喜何勞行客防易  
消非土煖難濕苦塵揚却憶袁安宅霏霏太近牀

既堂續集

卷之四

天



壬子五言排律

凌蔚侯長郎八歲讀書日滿百行他日成名可待  
以老夫頗相期望因蒙示舊劇所詠

神童吾罕觀記性汝堪驚書似宿曾讀年爲客所輕無

人垂青越自欲學顏生何忍教蔬食寧須待業成

宋賈黃中

幼脫俗父此句且令能立展書卷此之謂之等相逢心

輒醉久對氣偏清禮識通家重交看屢世榮苑駒馳萬

里竹馬笑羣嬰童子開科第諸儒問姓名此時青玉案

他日鳳凰城積善聞天闕貽謀拜祖塋因披郎伯句轉

見孝慈情喜劇還流淚吟餘罷酒觥

斗詩有黃泉慰先祖之句

壬子七言律詩

附集賦得早花隨處發限七言近體

到處看花傷客情，愛看惟在廣陵城。  
天如剪綵隋宮巧，路異飄萍杜市行。  
樂土誰家無好樹，早春終日想嬌鶯。  
不愁酒債愁詩債，近郭園林報又成。

春日宴王天葉宜樓看梅花將放次韻

老樹枝橫拂帽斜，春雲陰散日光華。  
吟詩不待花如雪，對酒先愁面似霞。  
佳種問知名綠萼，深情看到昏鴉。  
主人能笑師雄輩，獨愛紅燈映碧紗。

趙師雄遇羅浮山梅花開見美人步香

然也

襲人蓋花神也今天葉獨開十餘年矣最余前日作小

賦得春水船如天上坐

水肥帆飽入春風俯看游人指點同轉笑塵埃坐驢背  
何如蕩漾在雲中擬登瑤島尋仙侶遲服金丹變老翁  
錯把輕舟比鷺鶴人間天上路難通

同蔣麗天訪張虞山留飲寓館并示新詩一卷分  
得池字

別後逢人問所思客中相見轉淒其多愁本是張平子  
太瘦新同杜拾遺休爲蓬飄驚遠道何殊萍聚在清池  
艱難京國一樽酒爛熳風塵百首詩

遇李杞瞻有贈

買山心事向誰陳誤走黃沙但惹塵忽對窮交如夢寐  
纔離宦海轉酸辛名王出獵旌旗滿馬客還家第宅新

我苦無田君罷職長安道上兩愁人

野性

把釣江湖髻已絲今秋飄泊到京師布衣避路愁狐貉  
野性驚人似鹿麋欲哭昭王無廟宇閒吟馬客有歌辭  
傷魂最是烏棲後笳嘯聲高半醉時

贈計甫草孝廉

時甫草居王淵來學士幕中

無田常自笑萍踪不勸先生學老農吳地至今愁賦稅  
池中誰料困蛟龍文章權柄吾曹重酒肉光陰志士慵  
到處逢迎亦堪羨王家舊幕號芙蓉

京雒

百年踪跡半乾坤京雒煌煌笳鼓繁垂老酒徒銷意氣

遭時士長兒孫羊裘黯淡西風大馬飛揚白日昏  
歌向人知不可驚看尺尺是金門

贈辛漱六

癸之

鷹揚虎視途窮日痛飲狂歌雨雪晨利器每愁遭缺折  
蛾眉豈合嘆沉淪朝中誰設翹材館塞上曾爲入幕賓  
已信封侯原有命不如歸守釣魚綸

士子七言絕句

立春後十日喜無大風

春江吾擬買蘭橈惟怕銅烏影動搖富世難逢灌壇令  
和風亦自不鳴條

朱二玉以去冬十一月移居余於燈節前一日赴

飲見壁上諸友題詩始知之卽席補賦三絕

四壁題詩墨尚鮮  
新居舊雨聚殘年  
來爲賀客吾雖晚  
却在春風燕子先

卜居難得里稱仁  
王翰從來願作鄰  
何似君隣曹憲宅  
長爲文選巷中人

門前畫友日相尋

宋善高

多蓄牀頭買酒金  
旣是移居近

臘月欠栽修竹待狂吟

嘲諸男

男子雖多只累身  
災祥懶問九方歟  
國君同食知無分  
免作渠公街上人

謝房興公樞部惠米

故人分米念飢羸更囑加餐努力爲自笑長貧如束皙  
明朝只恐債家知

閉戶愁吟向午天春衣典盡幾無烟忽聞米至驚隣舍  
錯擬顏生尚有田

偶觀小燕出巢因感楊吉公無子賦寄一絕

乳燕呢喃又出巢故人垂老久相拋不知何寺僧堪訪  
策竹行吟似孟郊

孟郊詩策竹爲子孫

關東坡志林因成一絕簡醫者何東表

京口何氏多名醫余舊有贈何仙掌詩今仙掌歿已  
數年矣其子洋字東表能不墜其家學且以余爲父  
執執禮甚恭余男女既衆頗遭二豎之侮每服東表

藥輒効然貧無以報未嘗不愧於心也偶閱東坡志  
林云龐安常爲醫不志於利得善書古詩喜輒不自  
勝九江胡道士頗得其術與余用藥無以酬之爲作  
行草數紙而已且告之曰此安常故事不可廢也余  
因嘆東表父子高義過於龐胡二君遠甚以余并不  
善書畫也作此奉簡

滿屋呻吟夜達晨欲求醫藥每逡巡無錢復不工書畫  
羞見龐胡一輩人

偶題撲滿以志蕭然

無錢可入竅空存成敗區區何足論幾夜燈花全不準

陸賈答樊噲云目擊得  
酒食燈火花得錢財  
惟應持汝贈公孫



貧劇至於無衣見客漫成一絕

客漸來稀憑閉戶衣經典盡不開箱無人知我貧兼慙

却勝莊周過魏王上讀山木篇齊笑莊子正原係殷而過魏王未免多事無怪魏王見之而

以爲他地

附凌蔚侯舟北行

此生南北任萍浮老向燕臺只可羞幸免楊朱泣岐路  
敢言張翰在扁舟

夜發

客夢初回夜正長聲喧開口榜人忙起看波浪三更月  
能使鬚添一番霜番讀去聲獨孤及詩舊日霜毛一番新

聯句

月斜客醉已三更對月看花鴈再行

王明府

遮莫雞啼

聞古縣慙慙梅影近前榮

枝